

جريدة محاکم

جمعه ایرتسی

تومرو	ذی القعدة	سنة	مايس	سنة	حقیقه
۷۰۵	۱۸	۱۳۱۰	۲۲	۱۳۰۹	۱۰۳۹۷

(اشوغزته بهر هفته جمعه ایرتسی کونلری چیقار . سنه لکی درساعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولوق اوزره یوز پاره به هر یرده صاتیلور . درج اولنه جق)
 (اعلاناك هر برندن برمجیدیه اخذ اولنور . سنه لکنه مشتری اولوق استیانتلر عدلیه نظارتی)
 (دأره سنده کائن جریده محاکم اداره سنه مراجعت ایلملیدر)

قسمت هجده

یاشدیرلماسی زراعت بانکه سی اداره سندن تعمیاً
 شعباته اشعار ایدلیدیکی حالده محاکمه اعطا اولنمقده
 اولان سالف الذکر تأمینات سندلرینه مقطوعاً
 اونر غروشاق پول یاشدیرلمق استلیدیکندن
 وحالبوکه دستورک دردنجی جلدنده مندرج
 شورای دولت مضبطه سی موجبجه شعبه نامنه
 ویریه جک اومقوله سنداته پول یاشدیرلمق لازم
 کلیه جکی تجارت و نافعہ نظارت علیه سندن اشعار
 اولنمش ایسنه ده ذکر اولسان مضبطه
 ۲۶ ربیع الآخر سنه ۹۶ تاریخده اولوب تمغا
 قانونی ایسه ۶ صفر سنه ۳۰۰ تاریخده نشر

(فی ۱۱ ذی القعدة سنه ۳۱۰۰ وفی ۱۵ مایس)
 (سنه ۳۰۹ تاریخده بالجله ولایات استیناف)
 (محکمه سی مدعی عمومیلرینه ومدعی عمومی)
 (بولنمان محللر مدعی عمومی معاونلرینه یازیلان)
 (تحریرات عمومیہ صورتیدر)

زراعت بانکه سی شعبه وصندوقلری طرفندن
 محاکمه ویریه جک تأمینات سنداته پول

قسم غیر رسمی

(اردک بدایت محکمه سندن ۱۱ ایلول سنه ۳۰۶)
(تاریخی و قرق اوج عددی ایله صادر اولان)
(اعلامک مابعدی)

و مستدعی سرکزک اشبو حکم علیهنده کی
اعتراضاتک باشلوجہ سی ذات دعوی بدل التزامدن
متولد و اموال میری به متعلق اولدینی حالده انشای
محاکمه مدعی عمومینک حاضر بولندیرلماسی
و مستند ادعا اولان شرطنامه نک اعلام میز به
درج قلماسی مغایر قانون اولدیفندن بخله اعلامک
نقضی استدعاسندن و مدعی علیه اردک دائره
بلدیہ سی رئیسینک نتیجه جوابی دخی انشای محاکمه
مدعی عمومی وکیلنک حاضر بولندیرلینی اعلامده
مصروح بولندیفندن اعتراضات مسروده نک
ردی و اعلام مذکورک تصدیق طلبندن و معاون
مومی الیهک مطالعہ سی دخی دعوی واقعہ اموال
دولتہ عائد اوله رق مدعی عمومینک مطالعہ سی
استماع اولتی لازم کلورایکن مطالعہ سنک استماعہ
دائر اعلامده بر صراحت کورلماش و بلدیہ

اولنمش اولدیفندن قرار مذکور بالطبع منفسخ
اولوب قانون مذکورک برنجی ماده سندنہ ایسه
حکومت ایله افراد بینده مقاولہ بی حاوی تعاطی
اولنان سندانک تمغا رسمہ تابع اوله جفی محرر
اولمسیلہ زراعت باقہ سی معاملاتنک بوندن
استثناسنہ لزوم کور یله مدیکندن زراعت باقہ سنہ
متعلق خصوصاتک استیناف و تمیزنده زراعت
باقہ سی ایله شعبہ لرندن الہ جق تأمینات سندلرینک
رسم تمغایہ تابع طو تلمسی لازم کله جکنک نظارت
مشار الیہایہ اشعاری و مقدم نظارتہ دخی معلومات
اعطاسی تذکر قلندیغنه دائر شورای دولت
تنظیمات دائر سندن تنظیم قلنان مضبطہ صورتک
ارسال بیورلدینی و اجرای ایجابی نظارت
مشار الیہایہ بیلدیرلیدیکی بیان عالیسیلہ دائره
عدلیہ جہ دخی اقتضاسنک اجرامی شرفوارد
اولان ۱۹ رجب سنہ ۳۱۰ و ۲۶ کانون ثانی
سنہ ۳۰۸ تاریخی بیورلدی سامی حضرت
و کالتپناہیدہ امر و اشعار بیورلش و اووریتکز
داخلنده بولنان محاکمه لاجل التبلیغ اشبو
تحریراتک نسخ مطبوعہ کافیہ سی لفا ارسال قلنمش
اولنله اولوجهله اجرای ایجابی .

رئیسنه خصومتک عدم توجہی صفت و کالتی سبب
اتخاذ اولنمش ایسده اولساده اسباب موجبہ
قانونیہ کورستلماش اولدیغنه منبی اعتراضات
مسروده نک موافق قانون اولدینی بیانندن
عیارت بولنشدر .

ایجابی مذاکرہ اولندقدہ تمیز اولنان
اعلامک مطالعہ سندن اکلاشلدینی اوزره دعوی
واقعہ اموال دولتہ متعلق و بومقوله دعاوینک
انشای رؤیتندہ مدعی عمومینک حضور یله مطالعہ .

سنک استماعی لابد ایکن مأمور مومی الیهک
مطالعہ سنک استماع قلندیغنه دائر اعلامده بر
صراحت کور یله مامی و مستند ادعا اولان
احالہ نامہ نک عیناً و یا خلاصه اعلام مذکورہ
درج و تمیز اولنددینی کی ختام محاکمہ دن اول
طرفینک بر دیہ جکلری اولوب اولدیفنک کندو .
لرندن سؤال اولنماسی و اسباب موجبہ صرہ سندنہ
کورستریلان ماده قانونیہ نک دعوی واقعہ یه
شمولی اولمدینی حالده ماده مذکورہ یه یا کلش
معنی و یریلهرک حکم مذکورہ تطبیق ایدلمی
اصول و قانونه مغایر اولدیغنه و مدعی عمومینک
مطالعہ سیلہ مستدعی تمیزک اعتراضی دخی بوجہتہ
متدائر اوله رق شایان قبول کورلدیکنہ بناء اصول

آیدین استیناف محکمه سندن ۳۱ اغستوس
سنہ ۳۰۷ تاریخی والی بر عددی ایله یریلان
اعلامک تمیزی استمدایدن از میرہ مضاف
عبداہ اغا چفتلکنندہ مقیم یونان دولتی تبعہ سندن
دیتری ویدہ طور وکیل اوخانس موسدیحیان
افندی ایله میز علیہ از میردہ یش چارشوسندنہ

ساکن دیمتری زافرادی وکیل محمد توفیق افندی
یوم معینده دائره به کلدکار ندن دولت مشارالیهانک
در سعادت سفارتی قنچلاریه سی ترجمانلر ندن
موسیو فاقیروس حاضر اولدینی حالدده ایضاحات
شفاهیله لی استماع اولندقدن صکره تدقیقات تمیزیه
اجرا سنه ایستدار قلندی .

اعلام مذکورک خلاصه مائی مرقوم دیمتری
ویده طور ایله زوجیه سی کر یا قوله بنت طودوری
قوچوری ذمترنده یکدیگر یننه کفیل بالمال
صفقیله با سند مطلوبی بولسان مبالغ معلومدن
غیر از استیفا الاجبی اولان ایکوز قرق لیرا یتیش
سانتیمک تحصیل و امتناعلری وقوعنده مدیون
مز بورانک عهده تصرفلرنده اولوب مبلغ
مذکوره مقابل کندوسنه بیع بالوفا طریقیه
ترهین یتیش اولدقلری از میرده عبده اغا
چفتلکنده کائن معلوم الحدود برقطعه قوله ایله
زیتون اشجارینی مشتمل اون ایکی دونم برقطعه
چکر دکمز باغک فروختیه اتمان حاصله سندن مبلغ
متباقی مز بورک مع فائض استیفاسی حقنده مرقوم
زافرادی طرفندن اقامه اولسان دعوا به قارشو
مدیون مز بورانک مبلغ مز بوره مقابل یتیش
چوال اوزوم وانجیر تسلیاتلری اولدقغه دائر

در میان یتیش اولدقلری مدافعه نک سنده قارشو
اولسیله شهود شخصیله ایله اثباتی جائز اولدقغه
وسنداً اثباتدن دخی اظهار عجز یتیمز یننه منی
طالب اولدقلری صورته خصملری مرقوم
دیمتری زافرادی نک لزوم تحلیفه دائر بدایه صادر
اولان اعلامک عندالاستیناف تصدیقه حکمدن
ومستدعی تمیز وکیلک اشبو اعلام علیهنده کی
اعتراضاتک باشلو جه سی ذات دعوی الاجقندن
متولد بولنسی جهتیله دعوا ی واقعنه نک هیئت
مختلطه حضورنده رؤیت ایدلنسی مقتضی اولدینی
حالدده محکمه مذکوره به بوراسنه دقت اولنامسی
مغایر قانون اولدیغندن بحثله اعلامک تقضی
استدعاسندن ومدعی علیه وکیلک نتیجه جوابی
دخی اعلام میز بهک قابل تمیز و اعتراض مذکورک
وارد اولدینی بیانیه موافق اصول وقانون
اولان اعلامک تصدیقی طلبندن عبارت
بولمشدر .

ایجابی مذاکره اولندقدن اعلام مذکور
مأئندن مستبان اولدینی اوزره مدعی علیه مانک
یونان دولتی تبعه سندن اولدینی کی ذات دعوی
دخی ایکوز کسور لیرا مطلوبات ادعاسندن
عبارت اولسنه و بومللو تبعه دولت علیه ایله

محاکمه حقوقیه قانون موقتک ایکوز اوتوز
ایکینجی ماده سی موجبجه اعلام استینافی
مز بورک تقضیه قانون مز بورک ایکوز قرق
بشنجی ماده سی حکمه توفیقاً کیفیتک صورت
مشروحه دائره سنده اعلامه ربطی ضمننده آیدن
استیناف محکمه سنه اعاده سنه وزیرده مفرداتی
مرقم درتیوز درت بحق غروش مصارف محاکمه نک
ایلروده حقسز حقه حق طرفه رجوع ایتک
اوزره اول امرده مستدعی تمیزدن النمسنه
۱۴ کانون ثانی سنه ۳۰۸ تاریخنده ترجمان
مومی الیه حاضر اولدینی حالدده اکثریت آرا ایله
قرار و یریلرک تفهیم قلندی .

تبعه اجنبیه یتیمده متحدث بیسک غروشندن
متجاوز مطلوبات دعوالرینک شخص اجنبینک
دولت متبوعه سی قنچلاریه سی ترجمانک حضوریه
محاکم تجارتده مختلطاً رؤیت اولنسی لازمه دن
بولنسنه نظراً اول امرده سالف الذکر الاجق
دعواسنک برمنوال محرر هیئت مختلطه حضورنده
بالرؤیه تحت حکمه التقدن صکره اموال غیر
منقوله نک حجز وفروختی محاکم تجارتک وظیفه سی
خارجنده بولنق حسبیه املاک مرهونه نک فروختی
ایچون داین ومدعی بولسان دیمتری زافرادی نک
حقوق عادیه محکمه سنه مراجعت ایدرک تبعه
اجنبیه دن بولنان مدعی علیه مانک تبعه دولت علیه
صفقیله طوغریدن طوغری به جلب واحضاریله
اولبایده برقرار و یرلنسی مقتضی بولدینی حالدده
بدایه بوراسی نظر دقته التمهیرق مطلوبات ادعاسنک
دخی بالرؤیه تحت حکمه النسی وظیفه خارجنده
اولسندن طولانی عندالاستیناف اعلام ابتدائیک
فسخیه اول امرده الاجق دعواسنک بوجه محرر
رؤیت وحکم اولنسی ضمننده عائد اولدینی تجارت
محکمه سنه حواله سی لازم کورایکن اعلام ابتدائی
مذکورک تصدیق قلمسی یولسز وقانونه مغایر
ومستدعی وکیلک اعتراضی دخی بوجهته متدائر
اوله رق موافق نفس الامر بولدیغندن اصول

قونیه بدایت محکمه سندن ۲۳ تشرین اول
سنه ۳۰۶ تاریخی و یوز اون الی عددی ایله
و یریلان اعلامک تمیزینی استدعا ایدن قونیه نک
کریم دده محله سنده مقیم دونسزاوغلی مصطفی ایله

تمیز علیهم قونیہ ساکن حاجی ولی زاده حاجی موسی و برادری حاجی علی و عیسی اغارک یوم معینده اجابت ایتدکلرندن اصول محاکمه حقوقیه قانوننک ایکویز یکر می طقوزنجی ماده سی موجبنجه تدقیقات تمیزیه اجراسنه ابتدار اولندی .

اعلام مذکورک خلاصه مالی مرقومون حاجی موسی و حاجی علی و عیسی اغارک مشترکاً متصرف اولدقلری صودرهمی ناحیه سنه مربوط صاریحیلر چفتلکی دیمکله معروف اولان معلوم الحدود چفتلکلی داخلنده مرقوم مصطفی فضولی کهرچله اوجانی احداث ایلمش اولدیفندن بختله مذکور اوجانک هدمنی طلب و ادعا و مدعی علیه مصطفی دخی اوجاق یا ییلان محل خصم لرینک اولیوب شریکی عمر اوغلی حسنک ملکی ایدوکنی مدافعه درمیان ایتسی اوزرینه اولباید اجرا قلنان محاکمه و کشف و تدقیقات نتیجه سنده مذکور اوجانک مرقومون موسی و علی و عیسی اغارک اراضیسی داخلنده اولدینی کشف ناخی طرفندن اعطا قلنان راپور مندرجاتی و محلنده استماع اولنان شهودک شهادت لرله ثابت اولسنه بناء مرقوم مصطفانک محل مذکوره وقوعبولان مداخله سنک منعه قرار ویرلدیکندن و مستدعی

ایجابی مذاکره اولندقدن اعلام مذکور مطالعه سندن منقهم اولدینی اوزره دعوی واقعه دن طولابی محل منازع فیهده شهود استماع قلنمش اولسنه نظراً شهودک محل منازع فیهده استماعی ایجاب ایدن اسباب قانونیه نک نه دن عبارت ایدوکی و کشف نائیک حکمه مآذون اولوب اولمدینی اعلامده تصریح قلنمق مقتضی اولدینی حالده اعلام مذکوره بوجهنلرک ایضاح و تصریحندن واستماع اولنان شهودک سرأ و علناً اجرای تزکیه لرندن ذهول اولنسی و محکمه جه مدعیلردن طابو قیدی طلب ایدلش ایکن مؤخرأ بوراسی مسکوت عنه بر اقامسی و اجرا اولنان کشفک

اصول محاکمه حقوقیه قانوننک التمش اوجنجی ماده سی حکمنه توفیق قلنامسی مغایر اصول و قانون اولدیفنه بناء قانون مذکورک ایکویز اوتوز ایکنجی ماده سی موجبنجه اعلام مذکورک نقضه وزیرده مفرداتی مرقم بشیموز قرق طقوز بچق غروش مصارف تمیزیه نک ایلروده حقسنر حقیقه حق طرفه عائد اولمق اوزره اول امرده مستدعیدن استیفا سنه ۱۲ شباط سنه ۳۰۷ تاریخنده متفقاً قرار ویرلدی .

اعلام مذکورک خلاصه مالی مزبوره قترینه قادیان ایله مرقوم خواجه خرستوفروسی بیدنه تکیون ایدن دعوایه دائر علیه نه اوله رق صادر اولان اعلام حکمنه مزبوره قترینه قادیان جانبندن عدم قناعتله اطنه استیناف محکمه سنه بالمر اجمه اعطا قلنان استیناف استدعاسنده مستأقف علیهک شهرت و صفت و محل اقامتی کوسترلمدیکی کی اسباب استینافیه نک دخی تصریح ایدلمدیکنه و مات استینافیه نک مرور ایتدیکنه بناء استیناف استدعاسنک ردینه دائر محکمه مذکوره دن صادر اولوب تمیزاً نقض اولنان اعلام اوزرینه محکمه مذکوره جه بتکرار جریان ایدن محاکمات و تدقیقات استینافیه نتیجه سنده اعلام ابتدائی مذکورک حکمی ماده قانونیه به مستند اولدینی کی اسباب موجب سنک دخی موافق قانون بولندینی بیانیه اصول محاکمه حقوقیه قانوننک یوزطقسان التبعی ماده سنک فقره اولسنه توفیقاً اعلام ابتدائیک تصدیقه حکمدن و مستدعی مزبوره قترینه قادیان و کیلی الیاس رسام اقدینک اشبو حکم علیه نه کی اعتراضاتنک باشلوجه سی

اطنه استیناف محکمه سندن ۲۶ حزیران سنه ۳۰۷ تاریخی و ایکی عددی ایله صادر اولان اعلامک تمیزینی طرسوسک جامع جدید محله سنده ساکنه قترینه قادیان و کیلی الیاس رسام اقدینی ایله مدعی علیه طرسوسک جامع النور محله سنده مقیم تجارندن خواجه خرستوفروسی سیدریکودی

عند الاستئناف اعلام ابتدائي عليهتمده موكلهسي طرفندن درميان اولسان اعتراضاتك محكمه مذكوره جبه يكان يكان تدقيقه اسباب ردی كوسترلك لازم كلورايكن بويولده اسباب موجه كوسترلكمزين اعلام ابتدائيك تصديقي بولنه كيدلسي مغاير قانون اولديغندن بختله اعلامك نقضی استداسندن ومدعی عليه خواجه خرستو فروسی وكيلي اسكندر افنديك نتیجه جوابی دخی قرار واقع اسباب موجهیه مستند اولدینی بیانیه اعلام مذكورك تصديقي طلبندن عبارت بولمشد .

ایجابی مذاکره اولدقدده اعلام مذكورك مندرجاتندن اكلاشلدینی اوزره محكمه استئنافیه جبه اعلام ابتدائيك تصديقه قرار ویرلمش اولمسنه كوره استئناف دعوی ایدن من بوره قترینه قادین جانبندن اعلام مذكورك علیهتمده سرد اولسان اعتراضاتك علی الافراد تدقيقه ردی اقتضا ایتدیکی تقدیرده اسباب ردیهسی ذکر و بیان ایدیلرلك قانون دائره سنده قرار ویرلك لازم كلور ايكن محكمه مذكوره جبه بوداثرده اجرای تدقیقات اولتمسزین یالکز اعتراضات واقعهك موجب فسخ اولدینی كوسترلرلك حكم ایتدائيك

تصديق ایدلسی قانونه مغاير اولهرق مستدعيه وكيلي الياس رسام افنديك بوجهت حقندهكي اعتراضی شایان قبول كورنش اولديغندن اصول محاكمه حقوقیه قانونك ايكوز اوتوز ايكنجی مادهسی موجبجه اعلام مذكورك قضيله قانون من بورك ايكوز قرق دردنجی مادهسی حكمنه توفيقاً كيفيتك قانون دائره سنده بالرؤيه اعلامه ربطی ضمنتده محكمه مذكوره به اعاده سنه وزیرده مفرداتی مرقم ايكوز اون بر غروش مصارف تمیزیهك ایلروده حقسز حيقه جق طرفه رجوع ایتك اوزره اول امرده مستدعيه من بوره دن الخمسنه ۴ شباط سنه ۳۰۷ تاریخده اکثریتله قرار ویریلرلك طرفین وکیللرینه تفهيم قلندی .

قونیه بدايت محكمه سندن ۲۶ مايس سنه ۳۰۶ تاريخی و بوز التمش بر عددی ايله ویریلان

اعلامك تمیزینی استدعا ایدن عامدار قریه لی بوکتلی اوغلی حاجی سید ايله مدعی عليه قونیه ده ساکن حاجی خرستو اوغلی قسطی يوم معینه گلدارزی کی جواب لایحه سی دخی كوندردلديكندن اصول محاكمه حقوقیه قانونك ايكوز يكرمی طقوزنجی مادهسی موجبجه تدقیقات تمیزیه اجراسنه ابتدار قلندی .

اعلام مذكورك خلاصه مآلی مرقوم قسطنيك من بور سید ايله قره مصطفى وامام محمد افندیلر ذمتارنده يکديکیرلرینه كفيل بالمال اولمق اوزره مطلوبی اولان طقسان مجديهك ابراز ایتدیکی سند موجبجه مرقوم سیددن تحصيله دائر استحصا ایلدیکی اعلام غیابی علیهتمده مرقوم سید طرفندن اعتراض علی الحکم عرضحالی اعطا قلنمسی اوزرینه جریان ایدن محاكمه وجاهیه ده معترض مرقوم سند زیرنده موضوع پارمق اشارتی اقرار ايله برابر حاوی اولدینی مبای کندوسی تدین ایتامش وسندی مهرلمدیکی کی کفیل دخی اولموب یالکزامام افنديك ومصطفانك وقوعبولان رجالی اوزرینه مبلغ مذكورك اساسی اولان ذخاری اهلیدن طوبلامقه غیرت ایدمچکنی وعد ايله پارمق اشارتی وضع ایتش

ایجابی مذاکره اولدقدده اعلام مذكوردن اكلاشلدینی اوزره مستند ادعا اولان سند مشترك مدبولرلك امضاسنی حاوی و بولردن حصراً مدعی عليه بولان مرقوم سید امضاسنی وكفالتی منکر اولمسنه كوره مرقومك شريك دینی بولسان امام محمد افنديك شهادت واقعه سنده دفع مترم بولدینی جهتله سندك حين تحریرنده

ایجابی مذاکره اولدقدده اعلام مذكوردن اكلاشلدینی اوزره مستند ادعا اولان سند مشترك مدبولرلك امضاسنی حاوی و بولردن حصراً مدعی عليه بولان مرقوم سید امضاسنی وكفالتی منکر اولمسنه كوره مرقومك شريك دینی بولسان امام محمد افنديك شهادت واقعه سنده دفع مترم بولدینی جهتله سندك حين تحریرنده

سیدک امضاسنی مأموراً وضع ایدن و او ائناده حاضر بولسانلردن تحقیق کیفیتله برابر سندنک امضاسنی حقنده مدعیدن بینه طلب اولمهرق کفالت و دینک مرتبه ثبوت ایصالی قانوناً لازمه دن ایکن بو یوله اجرای تدقیقات اولمقسزین امام موسی الیهک افاده سنک قبولیه اعطای حکم ایدلسی مغایر قانون اولدیفنه بناءً اصول محاکمه حقوقیه قانونک ایکوز اوتوز ایکنجی ماده سی موجبجه اعلام مذکورک نقصنه وزیرده مفرداتی محرر درتیوز درت بحق غروش مصارف تمیزیه نک ایلروده حقسزچیه حق طرفه رجوع ایتمک اوزره اول امرده مستدعیدن استیفا سنه ۲۰ کانون اول

سنه ۳۰۶ تاریخده متفقاً قرار ویرلدی .

اعلام مذکور مندرجاته نظراً من بورتان ایفه و فاطمه خاتونلر پدرلری متوفی حاجی موسی افدیدن مستقلاً و برادرلری موسی الیه محمد افندی و ورثه سائر ابله مشترکاً متصرف اولدقلری معلوم الحدود طقوز قطعه اراضینک مجموعنی موسی الیه محمد افندی ضبطه قیام ایتدیکندن بختله مداخله واقع نک منعی مرعش بدایت محکمه سنده دعوی ایتملرینه قارشو عندالحاکمه موسی الیه محمد افندی مذکور اراضی والده سنک تحت تصرفنده اولدیفنی حالده بدل معلوم مقابلنده کندوسنه فراغ ایدلدیکنی مدافعه درمیان ایتمش

مرعشده عجملی و جقور اوبه محله لرنده ساکنه ایفه و فاطمه خاتونلر ابله بیننده متحدث دعوايه دائر حلب استیناف محکمه سندن ۲۲ شباط

ایسه ده اراضی مذکور نک متوفی موسی افندی عهد سنده ایدوکی دفتر خاقانی و املاک اداره لری قیوداتیه تحقق ایتدیکی بیانیله موسی الیه محمد افدینک اراضی مذکور نک یدی سهمندن بر سهمی حقنده کی مداخله سنک منعیله من بورتان عهد سنه انتقالک اجراسنه قرار ویرلش واشبو اعلام ابتدائی علیهنده افندی موسی الیه جانبندن حلب استیناف محکمه سنه بالمراجعه اقامه اولنان استیناف دعواسنک اجر اقلنان محاکمت و تدقیقاتی نتیجه سنده اعلام ابتدائینک تصدیقه قرار ویرلدیکی اکلاشلمشدر مستدعی محمد افندی و کیلی قولولیان افدینک خلاصه اعتراضی دعوی اراضی به متعلق اولدیفنی حالده اثنای محاکمه ابتدائیه واستینافیه ده اراضی مأمورینک حاضر بولندیرلامسی مخالف قانون اولدیفندن بختله اعلام مذکورک نقض استدعاسندن و مدعی علیهما و کیلی رزقاه افدینک نتیجه جوابی دخی مستدعی طرفندن مدت مرورندن صکره تمیز دعواسنه قیام ایدلدیکی جهتله تمیز استدعاسنک ردی لازمکله جکی و اساس ماده یه کلنجه اعتراض مذکور نقض موجب اولدیفندن ردیه اعلامک تصدیق طلبندن عبارت بولنش و اشبو اعتراض و جوابلری خارجنده بر دیه جکاری اولدیفنی بالسؤال

اکلاشلدندن صکره امر مواجه نک ختام بولدیفنی کندولرینه تفهیم قلمشدر .

ایجابی مذاکره اولندقدده اول امرده مدعی علیهما و کیلنک مدت مروری حقنده کی اعتراضک تدقیقه ابتدار و اعلام تمیز بهک بیلینی اولان ۱۱ مارت سنه ۹۸ تاریخله تمیز استدعاسنک اعطاسی اولان ۸ حزیران سنه ۹۸ تاریخلی میاننده گذران ایدن ایامه نظراً مدتک مرور ایتدیکی اکلاشیلهرق اعتراض مذکور رد ایدلدکدن صکره اساس ماده نک تدقیقه کیریشلده تمیز اولنان اعلامک نتیجه مفادی موسی الیه محمد افندی جانبندن وقوعه کلان مداخله نک منعی حقنده کی حکم ابتدائینک تصدیق قرارندن عبارت اولوب اشبو قرار علیهنه مستدعی و کیلنک باشلوجه اعتراضی دعوی اراضی به متعلق ایکن اثنای محاکمه ده اراضی مأمورینک بولندیرلامسی خصوصی اولوب واقعا اثنای محاکمه ده اراضی مأمورینک حاضر بولندیرلدیفنه دائر اعلامده برصراحت کوریه مدیکنه بناءً اعتراض مذکور شایان قبول اولدیفندن اصول محاکمه حقوقیه قانون موقتک ایکوز اوتوز ایکنجی ماده سی موجبجه اعلام مذکورک بوجهتدن طولایی

نقضیه کیفیت قانون دائره سنده بالرؤیه اعلامه
و ربط ایدمک اوزره حلب استیناف محکمه سنده
اعاده سنده و اعلام خرجی اولان ایکوز غروشه
صورت و تبلیغ خرجی بولنان سکسان
غروشک زیرده مفرداتی مرقم یوز سکسان بر
غروش مصارف محاکمه ایل بر ایلروده حقیر
چیه حق طرفه رجوع ایتک اوزره اول امرده
مستدعی محمد افندی نهمه ۲۴ مارت سنه ۳۰۲
تاریخنده متفقاً قرار ویریلرک وکیلان مومی الیه مایه
تفهیم قلندی .

اعلام مذکورک خلاصه مالی اینوز قضای
انبار مدیری عثمان افندی ذمت میره سی اولوب
کلیولی بدایت محکمه سی جزا دائره سندن ویریلوب
حکمی کسب قطعی ایتش اولان اعلام موجبجه
تحصیلی لازم کلان بش بیک ایکوز الی طقوز
غروش اوتوز اوج پاره نک کفالتی حسیله
مومی الیه حسن افندی ایله سلیمان اغا و متوفی
ابراهیم اغا ورثه سیله حافظ امین افندی ورثه سندن
زوجه سی و صغیر اوغلاری اسماعیل و احمدک
وصیسی کاظمه خاتوندن تحصیلی حقنده حکومت
محلیه وکیل جانیندن اقامه اولنان دعوایه قارشو
حاضر بولنان حسن افندی کفالت واقعه سنی
بالتصدیق مکفول عنه عثمان افندی ذیقدرت اولغله
اول امرده اکا مراجعت اولنمی تذکار حاجی
سلیمان اغاده مبلغ مدعا بهک تصفیه تحویلاتیه
تسویه ایدلمسی و متوفی ادهم اغاورنه سندن شکری
اغا دخی مورثک کفالتیه مبرز سندده کی مهری
و دعوته اجابت ایتیان حافظ امین افندی ایتامی
وصیسی ایچون تعیین ایدیلان وکیل مسخر دخی

کلیولی بدایت محکمه سندن ۲ ایلول سنه ۳۰۷
تاریخی واون برعددی ایله ویریلان اعلامک
تعیینی کشان قضاسنک جامع کبر محله سنده مقیم
کلیولی اهل بسندن قضاء مذکور مستطوق معاونی
سنبیل زاده حسن افندی استدعا ایتدیکی حالده
یوم معینه دائره به کدی کندن میز علیه مالیه خزینه

متوفی ادهم اغا ایله حافظ امین افندی کفالتی
انکار ایلدیمش ایلده مبلغ مدعا بهک عثمان افندی
دینی ایدوکی مبرز جزا دائره سی اعلامی مندرجاتیه
تحقیق ایتدیکی کی بومللو مستلزم جزا اولان
مطلوبات امیره نک تصفیه تابع اولدینی اولیاده
قرار عالی ایجابندن بولندیغه و مدعی علیهم
مرقومونک کفالتی دخی مبرز کفالتنامه ایله
ثابت اولدیغه بناءً مبلغ مدعا بهک لیرای عثمانی
یوز غروش حسابیه مع فائض کفیلردن تحصیلنه
حکمدن و مستدعی تمیز حسن افندی اشبو حکم
علیه لایحه سنده محرر اعتراضاتک باشلوجه سی
بدایه حضوری مشروط اولان مدعی عمومینک
معذرتی حالده اعضادن برینک وکیل تعیین اولنمی
لازم کلورایکن باشکاتک مدعی عمومی به وکیل
تعیین اولنررق رؤیت دعوی اولنمی مخالف
قانون اولدیغندن بجه اعلامک نقض استدعا سندن
و میز علیه خزینه مالیه وکیلنک نتیجه جوابی
باش کاتک مدعی عمومی وکاتنده بولندیرلمسی
اصوله موافق اولوب اعتراض مذکورک مالی
ایدوکی بیانیله ردی و موافق قانون اولان اعلامک
تصدیق طلبندن و معاون مومی الیهک مطالعه سی
دخی مدعی علیهم میاننده تحت وصایتده یتیم
بولندینی حالده وصی صفیه دعوت اولنان

ایجابی لدی المذاکره اعلام مذکور مطالعه سندن
منفهم اولدینی اوزره بدایه انهای محاکمه ده
حضوری مشروط اولان مدعی عمومینک معذرتنه
مبنی محکمه باش کاتک وکیل تعیینیه رؤیت
دعوی اولنمش ایلده مدعی عمومینک غیوبی
تقدیرده اعضادن برینک وکیل تعیین ایدلمسی
مقتضای قانون اولدینی حالده بوجهته دقت و مدعی
علیهم میاننده تحت وصایتده یتیم بولنسیله وصی
صفیه دعوت اولنان کاظمه خاتونک صفت
وصایتک ثبوتنه تعرض اولنمسی و مکفول عنه
عثمان افندی ذمت واقعه سنی متضمن اولوب
مبنای حکم اتخاذ اولنان جزا اعلامک کسب قطعی
ایدوب ایتدیکنک تحقیق قلمامسی قانونه مغایر
و مستدعینک اعتراضیه معاون مومی الیهک
مطالعهمسی دخی بوجهتله متدائر اولنررق موافق

نفس الامر کورندیکنه بناء اصول محاکمة حقوقیه
قانونک ایکوزاوتوز ایکنجی وایکیوز قرق برنجی
ماده لری موجبجه اعلام مذکورک تقضیه قانون
مذکورک ایکوز قرق دردنجی ماده سی حکمه
توفیقاً کیفیتک یکیدن بالرؤیه اعلامه ربطی
ضمننده محکمة مذکوریه اعاده سنه وزیرده
مفرداتی مرقم اوچوز طقسان طقوز بچق غروش
مصارف تمیزیه نک ایلروده حقسر چیه جق
طرفه رجوع اتمک اوزره اول امرده مستدعیدن
السنه ۹ کانون ثانی سنه ۳۰۸ تاریخده متفقاً
قرار ویریلرک قهیم قلندی .

اعلان

درسعادته جاری اموریه متدائر نیکده
محکمة شرعیه سندن ودائرة مقاولا تدن مصدق
وکالتنامه لره طوغریدن و بالواسطه توکیل اولنان

ذواتدن یالکر واسیلاکی دسیری اقدینک
وکالتنامه سی حکمتی ابقاء ماعداسنی عزل ایلدیکم
جهتله وکالتنامه لرینک حکمتی قالدینی دوائر رسمیه
واشخاص عانده سنجبه معلوم اولق اوزره اعلان
اولنور .

فی ۸ مایس سنه ۳۰۹

نیکده ده مقیم تجاردن
یوانی پتیدی

قاری قه جی صورتینک دیمتری ولد نیقوله
ذمتنده بااعلام محکوم به الاجفی اولان معلوم المقدار
مبالغت تأمین استیفاسیچون تحت حجزه النان
اخچ چلی محله سنده زندان قیوسی جاده سنده واقع
تخمیناً اوتوز آرشون عرصه اوزرینه مبنی وایکی
یوزطقسان طقوز نومروایله مرقم بر باب دکانده
مدیون مرقومک پدری متوفی نیقوله دن انتقالاً
ومستقلاً متصرف اولدینی عیاجی کد کله قله زمین
محلتک تمامیه ملکینک اوتوز بش اقچهدن بکرمی
اقچه حصه شایعه سنک تاریخ اعلاندن اعتباراً اون
بش کون صکره بالمزایده فروخته تشبث اولنه جفی

درسعادت اعلامات نظامیه اجرا دائره سندن
اعلان اولنور .

فی ۱۵ مایس سنه ۳۰۹

اعلامات نظامیه اجرا دائره سندن اعلان
اولنور .

فی ۱۸ مایس سنه ۳۰۹

متوفی زانبه اوغلی یورکی افسدی ورنه سی
وغدوملری یواناکی و بدوساکی اقدیلرک اطنه
کمرکری بدلاتندن طولای متوفی قره یوان اوغلی
یورکی ذمتنده الاجقاری اولان مبالغ معلومه نک
تأمین استیفاسی ضمننده متوفای مرقوم قره یوان
اوغلی یورکینک ورنه سی بولنان یوان وانستی
واریستودی به انتقالی لازم کلان استانبولده بالق
پازارنده شیخ محمد کیلانی محله سنده لونجه زقاغنده
واقع اون اوچ نومرولی مسکرات مغازه سنک
تمامنک واتصالنده واقع اون اتی نومرولی قاری قه لی
یهودی میخانه سنک دخی یوز یکرمی سهم اعتباریه
یکرمی درت سهم حصه سنک تاریخ اعلاندن اعتباراً
اون بش کون صکره بالمزایده فروخته تشبث
اولنه جفندن اشتراسنه طالب اولنلرک ودها زیاده
معلومات المق استیائلرک مدت مذکوره ظرفنده
درسعادت اعلامات نظامیه اجرا دائره سنه مراجعتله

کراسته تجارندن امین وحمایحی حاجی محمد امین
اقدیلرک سلورلی مرحوم حاجی عزیز بک
زاده ابراهیم ادهم بک ذمتنده سلوری بدایت
محکمه سی اعلامیه مطلوبلری اولان مبالغت تأمین
تسویه سیچون حجز و فروختی محکمة مر بور
ریاستندن توارد ایدن تخریرانده محرر سلطان
سلیم جوارنده قاضی چشمه سی قر بنده مفتی علی
محله سنده مفتی حامی دیمکله عریف تخمیناً اتی
یوزطقسان آرشون عرصه اوزرینه مبنی ایکی
خلوت واون یدی قورنه بی و بشیوز آرشونی
متجاوز اودونلق ایله مشتملات ساه ثری حاوی
وشهری یدیوز غروش ایجاری محتوی بر باب
حامده مدیون مومی الیهک پدری مرحومدن
انتقالاً متصرف اولدینی ثلث حصه شایعه سی
تاریخ اعلاندن اعتباراً اون بش کون صکره
بالمزایده فروخته تشبث اولنه جفی درسعادت

پی سورملری لازم کله جکی دائره مذکوره دن
اعلان اولنور .

فی ۱۹ مایس سنه ۳۰۹

بقال بر اشکوه نك $\frac{۲۰۹}{۱۱۹}$ نومرولی اعلام
موجبنجه علی رضا افندی یه دینی اولان معلوم
المقدار مبالغك تأمین استیفاسیچون مدیون
مرقومك خاصکویده ترشیچی محله سنده کشمیری
سوقاغنده طقوز نومرو ایله مرقم بر باب خانه ده
سکر حصه اعتباریله متصرف اولدینی اوچ حصه
شایعه سی بالمزایده بیک غروش التون بدل ایله
داین علی رضا افندی عهده سنده تقرر ایتمش
ایسه ده تاریخ اعلاندن اعتباراً اوتوز بر کون
ظرفنده یوزده بش ضمیمه طالب اولنلر بك اوغلی
بدایت محکمه سی اجرا مأموریتی جانبیه مراجعت
ایلملری اعلان اولنور .

فی ۱۹ مایس سنه ۳۰۹

مقروهی قادین ایله سپون و حقاك ترزی
قره بته درسعادت بدایت محکمه سی حقوق
دائره سنندن اعطا قلنان بر قطعه اعلام موجبنجه
محکوم به دینلری اولان مبالغك تسویه سیچون
فروختی استدعا اولسان اسکدارده یکی محله ده
قره مانلی زقاغنده واقع الشمس ایکی نومرولی
و تخمیناً ایکوز اون آرشوندن عبارت بر قطعه
عرصه ده مقروهنك مستقلاً متصرفه اولدینی
ربع حصه سیله سپون و حقاك دیگر ربع حصه سنك
اوچ حصه اعتباریله انتقالاً متصرف اولدقاری
بر حصه لرینك تاریخ اعلاندن اعتباراً اون بش
کون صکره بالمزایده فروخته تشبث اولنه جنی
درسعادت اعلامات نظامیه اجرا دائره سنندن
اعلان اولنور .

فی ۲۰ مایس سنه ۳۰۹